



UKA 2018/73  
17. oktober 2018  
Aqqaluk Heilmann

**Uunga siunnersuut: Kalaallit Nunaanni Inatsisartunut qinersisarneq pillugu Inatsisartut inatsisaata allanngortinneqarneranik Inatsisartut inatsisaat nr. xx, xx.xxxx 2018-imeersoq (Partiit qinigassanngortitsisinnaatitaanerak, namminersorneq pillugu inatsimmi taaguutitut naleqqussaaneq, inatsisiliornerillu allanngornerisa malitsigisaannik iluarsiiinerit)**

(Inatsisartunut ilaasortaqaq Bentiarraq Ottosen, Atassut)

Nuna inuiaqatigiillu ulluinnarni atungarisaat pillugit suliaqarniarnermi inuit taama suliaqarusuttut isumaasa katiteriffiini, suleqatigiit ataatsimoorfigisagaat partii tunngavigineqartarpoq.

Taamatullu inuiaqatigiinnik sullisserusuttut nukiit atugaasa qaavisigut ajornartorsiutigineqarsinnaasut siunissami pinngitsoortikkumallugit inatsisitigut naleqqussaaqqissinnaaneq piffissanngorsinnaarsarluni.

Taamaattumik nunatta iluani partiit ullumikkut atuuttut aammalu tamaasa eqqarsaatigalugit piffissaavoq nalilersuissalluta aaliangiissallutalu inuiaqatigiinnut sullissisalerumaartussanut tamanut iluaqutaasinnaassuseqartumik.

Parti nunatta iluani pitsaasumik ingerlasimagaluartulluunniit ukiuni ingerlavigisaminni aqqusaartugassaasa ilagisarpaat inissisimaffiup allanngorsinnaasarneri.

Taamaattumik siunnersuutaasup oqariartuutip imarisaa parti pioreersoq inatsisartutigut ilaasortaataqarunnaarsimaguni kisiannili sulii partiit ingerlalluni tamanna kinguneqartassanngitsoq nutaatut partiiliorluni aallaqqaataaniit atsiortitsisaqattaarnertut isikkulimmik. Qitiusorli tassaavoq qinersinermi kingullermi partii inatsisartuni ilaasortaataqarsimappat, qinersinerup tullissaani atsiortitseqqinnissaq pisariaqassanngitsoq.

Atassummiit isumaqarpugut una inatsimmi allannguut pisariaqavissoq, naapertuunnerusumik pissusissamisuuginnartumillu suleriaasaq tulluarsassallugu. Taamaaliornissarlu inuit tamat oqartussaananerannik illersuisuuvoq.

Siunnersuutigineqartoq Atassummiit taama isikkoqartillugu taperserparput, siunnersuullu nalimmassaqqinneqarsinnaanera siunertaralugu ataatsimiititaliamut ingerlatinneqartussanngorlugu innersuussutigivarput.